




Requiriturane 7 de Constantino de Ladulstet  
prova ad Bona Certis Sctis Villa Logam Potoni  
datens Illius Subiecti Cuiamq. Ibid. Sctis  
a Tertia post Tressum Sanchi Francigen  
lesonis pxiome & immediasse ptena  
Liona. Anno Tenti Condenscendit Thi  
q. cum dictis Nobilibus pth et efato  
Tens in Capone Suprascripta Gra. Requiritur





vi. P. 55.

Ex Libris Mathias Weyno

P A T R O N V S  
ad Tribunal Gratiae  
Pro Convicto Criminum populo  
A G E N S.

Ad Aram B.M.V. Gratiolæ,  
In Collegio Varſavienſi Scholarum Piarum  
In favorem Metropolitanarum Urbium  
Grallante clade peſtilentiæ

V O T I V U S  
Illuſtriſſimo & Reveren-  
diſſimo Domino.

D. IOANNI TOBIÆ  
AVGVSTYNOWICZ

Archiepiſcopo Leopolienſi, Epifcopo Mol-  
davienſi Aſſiſtenti Domēſtico SS. Domini  
Innocentii XIII.


Per P. Juſtinum a S. Nicolao Scholarum Piarum

O B L A T U S.

Anno, quo primas morſes clademq, merenti  
Donavit populo celeſtia jura Patronus.

1723.  
Benedicti Okonſki.  
Schola Poſſeſſor

IN GENTILITIUM INSIGNE  
ILLUSTRISSIMI ARCHIPRÆSULIS



I.

Unus, quod Patriæ sis tutor, Numinis alter  
MAGNE Tua hoc PRÆSUL, rupta Sagitta  
docet.

II.

Præfulæ decus hoc est immortale Sagittæ,  
Quod verso à terris fertur in astra stylo  
Pro sacris certans semper felicius Aris  
In cælis merito poscit habere locum.



Ad  
ILLVSTRISSIMVM  
&

Reverendissimum  
ARCHIPRÆSVLEM  
Episcopum Moldaviensem

**N**ondum familiaris Tibi di-  
ctio, semper tamen Magni  
Nomini tributaria, eo re-  
verentius Tuo sistitur conspectui.  
ILLVSTRISSIME & RE-  
VERENDISSIME ARCH-  
PRÆSUL. Nec aliter admitti  
debit suæ parvitatis conscia, & a-  
lias rea criminis læsæ Magnitu-  
dinis

dinis Tuæ, nisi primâ fronte suum  
præferret Patronum. Agebat hic o-  
lim pro populo ad Regiâ MARIÆ  
Maiestatem, nunc Tuis actor ob-  
sequijs destinatur. Nimirum be-  
ne origo gratiarum MARIA IO-  
ANNI redditur, pro pœnarum  
indulgentiâ, Orator consignatur  
gratia, arcus Pœticus Tibi est tri-  
umphalis. Neq; tamen eo intendi-  
mus aliquid Tuo addere Honori,  
quo ad Dignissimorum paritatem  
levatus, imparem invenisti lau-  
datorem. Sed, & hac ipsa Tibi For-  
una est, qua vel modestia docu-  
mentum ad imitationem, vel Te  
ipsum ad adorandum producis, So-  
lis nimirum quandâ proprietatem



in Te immigrasse cernimus, ubi ip-  
so meritorum & gloria splendore, o-  
mnium ad Te trahis animos, a nullo  
contemplandus, quod serenissimum  
illud lumen lippientes everberet  
palpebras. Ipsa PONTIFICIA  
Aquila condignè Luminare ejus-  
modi adamavit, in cuius pecto-  
re thessetato, adeo erga Te luserunt  
Gratia, ut totum Cor SANCTIS-  
SIMI, Tibi in lucrum proposu-  
erint. Acutior illius obtutus im-  
mensum Tibi testatus respectum,  
omnis Sanctitatis Prototypon, ,  
SANCTISSIMI anim-  
um Tibi meruisti. Pastoralis  
vigilantia ad clavum Apostolica  
navis sedenti, adeo complacuit, ut

ferreum pro Ecclesia animum blanda attraheret potentia. Et inde est quod SANCTISSIMO DOMINO ASSISTENS DOMESTICUS esses, ubi domicilium cordis possedisti. Debeatur hac SANCTISSIMO gratia, ad Iuius animum accomodatissima. INNOCENTIO assistere debuit Ioannes gratiosissimus. Primo Ecclesie capiti Angelus hic, [Consilij forsitan] missus est. Sed iuit jam in normam primae eiusmodi Tiarae servilis Tuo Honori populus, qui tantum sibi obtigisse Praesulem gratulatur. Ita enim Tuorum morum exemplo graderis, ut viam Domini praeperes, quae non trivius quo-

quorumcunq<sup>3</sup> procedit error, sed subsequens in animis virtus deterit.

JOANNI hoc scilicet proprium est, quod ipsi calorum colles à Te insuppelias advocati, ultro Tuo acclinentur gregi, & vallis populorum, calituum gratijs impleatur. Debetur id Pastoralì Tuæ vigilantia, quā non millenos assumis oculos: sed Ipse pupilla esse omnium maluisti; timens ne ad Te centoculum Argum, jumentum Domini rapiatur, Et vel ideo nihil Tibi arcanum est, ubi ipsi patent animi. Representant id subiecta Tibi pectora, à quibus cōtinuum amoris, & subiectionis cernis tributum. Nam mirum est quod tantum Tibi intus  
tuo-



tuos conciliares affectum, ubi eti-  
am ipsa Tui Nominis fama, me-  
am attraxisti pennam, qua dum se-  
mel Tuis consecratur obsequijs,  
immortales scribet characteres.  
Nunc tamen prævia si parum e-  
tiā argutè loquens Tuo arriserit  
Animo, ulterioribus erga Te enco-  
mijs insudabo.

Illustrissimo & Reveren-  
dissimo.

Nomini Tuo  
devinctissimus  
Iustinus a S. Nicolao S. P.

# CATEGORIÆ POETICÆ

*In quibus Pœta recognoscens effi-  
cax B.M.V. de Gratijs patrocini-  
um, & robur ad placandum iratũ  
Deum, Vastante oras Patrias pe-  
stilentia, supplices ad Aram Gra-  
tiosa Matris DEI in Collegio Var-  
saviensi Scholar. Piarum promit  
affectus, præsertim pro princi-  
palioribus Regni Urbibus.*

CATEGORIA I,  
*Summa Vitæ Genitrix, in morta-  
litate Patrona B.M.V. de  
Gratys.*

**M**ater? quâ Mundo generatur Vita perennis.

Matrem Te tantam flebile carmen adit,  
**A** pedibus famulæ tantisper ceditæ Stellæ  
Et tu flebilibus Cynthia cede metris!  
His plantis Citharæ pectus turbæq; gementes  
Cantando subdunt carmina, Vota preces.

**O MATER!** seu Te sublimis detinet æther,  
Vel blandis sopit, curia mista choris  
Ah! gemimus, flemus, lachrymas querimurq;  
fluentes,

Quæq; deest vocem, languida corda premunt  
Deficit, & rursus præmortua lingua refellit  
Alba velut Minci, funera lenit avis.

**Dia Parens,** tandem nostris adflectere votis,  
Et magnæ rursus viscera **MATRIS** habe.  
**Nam merito** petimus, revoces ut munera Ma-  
tris

Dum Tibi suggerimus par Genitricis opus  
Certe etenim tunc Mater eris si reddere vitam,  
Ereptam nobis viscera Diva volent.  
**Nunc igitur dum vita perit, Tu consule VI-**  
**TAM,**

Viscera quam nuper progenuère Tua  
**O!** dulces ulnas! & fortia brachia tende.  
**O! Mater!** natis viscera pande Tuis.  
**Audit,** & â longè proli Philomela recantat,  
Involucris, solitam voce remittit opem

**In**



In laqueis mundus, suspendit retia Fatum,  
Auceps jam passim, Parca futura fremit.  
Quis locus est nido, Lechidis jam tota perivit  
Patria, tot patrius funera nutrit ager.  
Exitium fulmenq; citis superinvolat alis.  
Fulmen quod Magni succutit ira DEI.  
Quo totus planè flammis incenditur æther,  
Quo fusus terram languidus ignis arat.  
Nec tamen in fructum vitæ tetra jugera pādīt,  
Mortua quantumvis semina terra gerit.  
Cerno super mæstis moritura cadavera campis.  
Cerno monstruosum vivere morte solum  
Nec mirum tumulos quod tellus gignat amaro  
Influxus tales sidera summa rotant.  
Dedit cælum Stellas gyrare faventes,  
Dedit lætum lux recreare diem.  
Seu Phæbus terras meliori lumine ditet,  
Largitum Eclipses surripuere jubar.  
Si sua nocturni commendent sceptrâ Planetæ  
Ad nostrum vigilant Fata severa caput.  
Omnia somnus amat, secura est Ur̃sa cavernis  
Accubat in molli gramine Marsus aper.  
Nobis nulla quies, nec Morpheus ora fatigat  
Sed teritur crudâ morte, papaver iners.  
Hos querimur casus querimur dispendia vitæ,  
Deflemus tetricum nocte dieq; polum  
Vitæq; cum lachrymis jam forsan diffuit ipsis  
Et duræ Lethes, lachryma munus agit.

At

At benè si fluerent illæ, si flere liceret,  
Lenitur lachrymis egeriturq; dolor.  
Sed nec flere licet, nec delinire dolorem,  
Eheu! nec flendo vita superstes erit.  
Miscetur tumulus, tumulo super incubat alter,  
Nuper quî vasto corpore plenus erat.  
Millia straverunt passim se luce recenti,  
Proxima lux rursus, millia morte necat.  
Flevimus exanimis diffusis luctibus urbes.  
Heu! dolor! hic etiam limina nostra manet.  
Tempore non longo fors Præfida nulla que-  
relis,  
Exuvias nostras quæ comitetur erit?  
Qui truncum exangvè funesto subtrahat unco.  
E laribus nullus forte Polyncetos erit.  
Nos omnes tumulum ne mors deturbet in unū.  
O! Vitæ Mater, more Parentis age.  
Principium vitæ, supremæ causa salutis,  
Tu simules cunctis altera VITA, salus,  
Nunc igitur genitam digneris supplice Vitam,  
Pro Vitâ nostrâ sollicitare prece.  
Præsidium vitæ certū, MATERQVE manebis,  
Si per Te nostris vita redibit agris,

## CATEGORIA II.

*Inter Deū severò decretò terribilē,  
& reum hominem Mediatrix*

In nova mutatur decretis, gratia justis,  
Succendit placidum iustior ira Deum.  
Non solum grandis promittit dextra Tribu-  
nal,

Dextrā potens gladio, dextera lance gravis;  
Astra minas jurant Deus est offensus inulto  
Crimine multiplices concutit ira lares.

Eheu! quis fugiet, iustæ de Vultibus iræ,  
Non est pœnarum, qui remoretur opus.

In iustas Nemesis satis est accensa ruinas,  
In cunctos celeri sat pede pœna volat.

Non latebræ servant trepidos, tectiq; recessus  
Non nisi Lethalis, fontibus umbra sinus.

Quo tecunq; trahit metus, huc Adraſtea vindex  
Ut mortis legem pressus ubiq; feras.

Bacchatur scelerum Diris ultricibus orcus,  
Aleſto tristes excutit atra faces.

Tanarias pariter torret furor æquus Erynnes;  
Continuat captam Parca nefanda colum

Terrifico maſſi ſqallent titione penates,

Po



Postes, testæ, domus, carbo favilla cinis.  
In facibus crebris titionibus atq; lucernis,  
Vestigat vindex ira superna malos.  
Horrendum sævo Numen succenditur igni,  
Umbra vel est ultra nulla Patrona reis.  
In silices abeas, comes est Rhamnusia tecum,  
Seu te cæruleis condidit unda vadis.  
Abdita nulla tibi cæco indulgentur in antro  
Non fugiunt iustum crimina testæ Iovem.  
Ah! Superi! tantumne nefas commitimus astris  
An tanto claret culpa scelestæ malo!  
Siccine secreto crimen quod corde vovetur,  
Prægreditur celso luce nitente polos.  
Labes quæ parvis deformat pectora signis,  
Hæc latè tingit limina sancta domûs.  
Specio procul vastis, dum verto volumina  
chartis

Quod sceleri quondam forte latere datum  
Dum profugis figit Daphne vestigia saxi,  
Laurorum viridi cortice testæ riget.  
Aspera securos fecerunt marmora fontes,  
Caucaseo crevit fulmine sæpe nocens.  
Dodone texit deformem criminis ausum,  
Frondibus aspectum sæpè latere nefas.  
At nos quod marmor! tenebræ! quæ tesqua re-  
condant.

Africa non certo crevit amica peplo  
Expeditior pennis quàm sol permittit Eoum

Per

Per cæli liceat limina ferre gradum.  
Quâ molles vexant ululantia Mænala ventos,  
Quâ se Thessalicis aura fatigat agris.  
Inclamo superos, terras, & marmora clamo!  
Num mihi cæruleas vox benè pulsat aquas.  
Echo non reddit pavidis effusa querelis,  
Num mihi securum dicit adesse locum.  
Vestigat decreta DEI, permitte latendi,  
Donum dimotis India tecta plagis.  
Si vel sub terras aditus, tramesq; pateret  
Autipodis melius forsitan esse mihi  
Sed vanum querimur, vanum mea vota pre-  
cantur,

Non fugio sanctæ fulgura iusta manûs.  
Ah! liceat saltem pronas inflectere terras,  
Et precibus mitem sollicitare polum.  
O! cœli? Stellæ! nubes adamante rigentes.  
Quo vos clausistis cardine! quove modo!  
Jam memores scelerum pœnas excludite divi,  
Decretis redeat gratia mista pijs.  
Hæc jam dispungat radios meliore sereno  
Quæ modo terribili est fulmine plena manus  
Tu verò causam fumes si Virgo Patrona,  
Gratia pro populo grata Tribunal eris.  
Heu terret flammans flammantis vultus, & ira.  
Irati Virgo tela reconde DEI,  
Scis quando immites nos straverat ira rebelles,  
Vim nuper fortem nunc violenta tene

Jura

jura fremunt, & sanctæ leges, vindicæ dextra,  
Supremumq; Themis sancta Tribunal habet  
Offensum Numen populatur fulminis instar,  
Orbem mortiferis legibus, igne, rogo.  
Jam cœpit sancita miser capitalia ferre,  
Ni venias unus mortis acervus erit.  
Decretum fertur moriendi fontibus unum,  
Omnia Una manes Virgo MARIA salus.

### CATEGORIA III.

*Ægrescentis mundi, & omnium  
Causarum morbi tempestivum &  
salutare remedium.*

Ægrescit mundus cui jam non pharmaca restat.  
Extremos morbos nulla medela terit.  
Funeribus tumulos jam plane implevimus omnes,  
Et non intumulus corpora campus habet;  
O! sortem flendam! sed causa feralior ipsa,  
Non excusandis crimen inane malis.  
Non sic ut tristes fera sunt nocumenta nocetes  
Sunt



Sunt mala quæ tollunt, sed magis causa mali  
Quid pestis! quid magna fames, quid tela, quid  
ensis

Non ensis, proprius lictor at ipse nocens.  
In peius semper graditur scelerata cupido,

Non est nequitiae meta modusque suæ.

Nausea mera fumus, caelestibus obvia signis;

Unaque massa tecti conglomerata mali.

Heu! quæ pars nostri tandem secura manebit.

Indigni vitam quique; perire, cadunt.

Et si quem vindex Superum transmiserit ensis,

Noxa vel invitam provocat ipsa necem.

Extenuat Nemesis vires ac deterit urna,

Et tot funeribus languida Parca stupet.

Dumque; parum, Numen perimentia tela remisit,

In pejus rediit convaluitque; scelus.

Quod jam non sanis audet medicamen in ægris

O! scelus! ad pejus mista medela valet.

Pocula plena bibes, scelus orbis. Amysthide

Lethes,

Pocula fellis erunt, toxica mera bibes.

Ira tenet calices sceleri sat potio grandis,

Pharmaca dum superum respuit ægra salus.

Ore bibes pleno pestes, contagia, tabum,

Quæ nisi de cælo bilis amara fluet?

Dulce nihil vitio gustus, sit nectar amarum,

Antidotum vitæ, mortis amysthis erit.

Dia Parens, non es nobis Pandora nefanda,

B

Nec

Nec mala Te Virgo terra volente bibit:  
Non plectit per Te peccatum dextra Tonantis;  
Non Tu per populum fulmina sæva jacis.  
Quin potius si quando Deus comparer amicus,  
Ista Tux veniunt munera sancta manûs.  
Tu quoties nostræ dispensas pharmaca vitæ,  
Perpetuos annos ista medela creat.  
Dia Parens & nunc summis tua pocla labellis,  
Ad me pro mundi Dia salute bibe.  
Sana proculdubio jam pro tunc corpora surgēt  
Nam Te ipsam vitam Virgo Maria bibent.  
Infestum dispunge malum, quod defluit orco.  
Mater es? Ore pio, nectar in aure DEI.

## CATEGORIA IV.

*Vita, & anima mortalis Vita.*

Quis mihi det celeres possem transcedere co-  
los.

Quis mihi det solis visere utramq, domum:  
An mea fidereas fors vita recurrit ad oras,  
Quam minus additus fulminat igne polus  
An verò dispersa levi confunditur aurâ,  
Quam tumida rabie frigidus Auster agit.  
Non

Non etenim vacuo spectatur in orbe morari,  
Qui de mortali germine natus erat.

Cerno tetros manes, & frigida corpora cerno,  
Specto quo tumulus marmore crevit atrox.

Vix concessa fuit, subito post tempore dēpta  
Non servata suo corpore vita fugax.

Emorimur tumbamq; omnes præcurrimus unā,  
Quo nos præcipitat funere dira lues.

Vivimus at justō mandatō vita negatur,  
Vivimus at rapido pulvere finis inest.

Pontica prout gelidas dispellunt astra pruinas,  
Dum blandum in Geminis Verq; calorq; tepent.

Fertur Hyperborea sed jam quasi ventus ab arcto,

Atq; Decembrali sidere bruma rigens;  
Gratia verna perit, marcescit flosq; virorq;  
Gratia verna labat, sternitur omne decus.

Non tantum friget, jam morte sequente senectus,

Sed senii normam parva juvenus habet.

Terribile est dictu, nec jam mihi verba supersūt  
Somnia! vel verum est? verba cadaver habet.

Tristia proh! Superi? tenuamur spectra per Orbem,

Corporei manes! Viva sepulchra fumus.  
Vel breve, vel nullum vitæ fugientis in auras,

Bz

Offi-

Officium, vel ego qui loquor, umbra, cinis  
Quid sperem! casusq; feret mox iste, vel ille,  
Instanti quò sto, quò loquor, hocq; cado.  
Quid nisi supremum jam jam gravis aura susur-  
rat,

Nunc vivis, certò nunc moriere scias.  
Jam data sunt aliis, soli mihi nuntia restant,  
Terminus hic vitæ dicere quisq; potest.  
Vivimus hic pariter, ventum captamus eundē  
Et par nos itidem, mors inimica metit.  
Mors ait incultos jam, jam mihi cede pena-  
tes,

Hæc rursus nostras impetit hora fores.  
Sic viduata domus propriis hæredibus orba,  
Parcarum imperio funera nosce tua  
Ergo nihil spectare licet, sed tristis imago,  
Horror pro tectis, pro lare, terror adest.  
Triste gement Lemures, tantum funebria vîsa  
Solaq; jus sævum Mors habitura ferox;  
Ah! veniet, veniet tandem mox incola tristis;  
Heu! mæsto signat jam titione domos.  
Ut jam signavit multos carbone penates,  
Funera funeribus, busta futura rogis.  
At celeri non sic fatò consumimur unquam,  
Ut non possimus spe recreare metum.  
Mortibus in mediis & in urnâ vivimus ipsâ.  
Præsidio vitæ sæpe Maria Tuo.  
Non alia est, non humanis spes ultima votis,

Tu-



Tutamen vitæ Tu nisi magna Parens,  
Tu medias inter mortes, Tu vita. Maria  
Et vitæ certus terminus, atq; salus.  
Ergo nimis mundum populantia sustine Fata,  
Munera conveniunt viribus ista Tuis.

## CATEGORIA V.

### *Fulcrum ruentis Mundi.*

Quid! quod tam subitò turbentur sidera gyrò?  
Ac pellant casûs fors inimica tuos?  
Prævidet hæc nitidis, nonnunquam palpebra  
vitris,  
Nec tamen eventus conscia vitra docent.  
Nec stetit in certo titubans cognitio rerum,  
Quidquid de nobis volvere Fata velint.  
An fere cunctorum subversa lege vetustâ,  
Altera naturæ condere jura student.  
Vel cursum mundi cupiant frænare ferocem,  
Et bene substrictum lege tenere novâ.  
Hæc modo felici sustentat cuncta rotatu,  
Nunc infelici deterit omne rotâ.  
Nascimur ad sortes, & casu vivimus ipso,  
Flantibus ut Cauris, mollis arundo tremît.  
Sed

B<sub>3</sub>

Sed tamen hoc totum, regitur de Numinis ore,  
Seu Fatum regnat, seu meliora nitent.  
Illius arbitrii casus componere nostrôs,  
Illius est rursus mittere Fata solo.  
Jam periit faustos moderans Fortuna Planetas,  
Exuberantq; suo plurima damna modo.  
Reclusus Phlegeton, jam Lethe flumina solvit,  
Tristibus his undis ostia rupta nimis,  
Orbis concutitur, dum se sub cardine verso,  
Præcipitant pansis astra inimica viis.  
Hinc tremor est terris, hinc fundamenta mo-  
ventur.

Et quâ nescitur machina parte ruet;  
Incumbunt mundi properè fragmenta cadētis.  
Opprimit arrosus pressa ruina caput.  
Ah! video sternunt se alii mihi forte cadendū,  
Ad primam guttam densior imber abit.  
Nubibus irarum totus suspenditur æer,  
Deplua sub tumulum corpora terra trahit.  
Ac si Lypparei tereremus lubrica ponti,  
Sic mergunt tumidum Fata severa genus.  
Neptuni potius tellus imitata colonos,  
Sic perit ac Thetidos tota procella gravat.  
Prærupta hæremus terræ super ipsa labantis.  
Non procul â centro perditionis opus.  
Una ruina diu, mortis confixta fragore,  
Perdita damna tulit, deteriora sequens  
Tecta ruunt strato pariter cum pariete mixtim,  
Et

Et mōstrat dominos occubuisse suos;  
 Non calcata domus desertaq; limina strident,  
 Urbibus in raris incola rarus abit.  
 Non hæres fundi tenuis non cultor agelli,  
 Gaudeat ut domini sorte Nepotis adest.  
 O! fortes humeros, armos, & brachia centum  
 Brachia sint centum, sint totidemq; manûs.  
 Non poterunt mutare vices, salvare ruinas,  
 Non poterunt tantum continuisse malum.  
 O! satis! o satis est Celsæ magna ulna Mariæ  
 A quâ nuper erat pendula viva salus.  
 His ulnis, humerisq; Tuis, gravis ista relictâ,  
 Sarcina nunc nervis utere Virgo Tuis,  
 In Te nam mundi labentis damna recurrunt,  
 Atlas nullus erit, si Tua dextra jacit.

## CATEGORIA VI.

*Opposita exterminatori furori, tri-  
 stemq; hominis Vastatura Angelû.*

Quid robur, fortesq; viri nerviq; potentes,  
 Quid sunt concreto fortia membra toro.  
 Quid, quod Centauros valeas agitare bimēbres  
 Sternere pugnaci Colchica monstra manu.



Sub iuga si frangas, feriatis colla iuencis,  
Aut urfos, reliquas dilacereſq; feras.  
Arcadiam ſubigas, Lernæam vince paludē,  
Et quid de monſtris amphitheatra domant;  
Quid labor eſt, ſudorq; poteſt, Circiſq; triūphi,  
Vultus trux & frons, exuviæq; graves,  
Quid mihi victor erit, duodenis altior actis,  
Poſt orbem domitum, poſtq; Giganta redux  
Nunc, nunc jam totis ſe viribus exerat auſus,  
Huc qui ſunt validi fortis arena vocat.  
Fervet in inſolitis rabiens hæc ſcena theatris,  
Irá nil Pardus, nil valet ungue Leo.  
Sic quondam novi cœlum pulſare Gigantas,  
Tollere monſtroſas vipereasq; manûs.  
Vis ruſſum furizne placent, certare Tonanti,  
Et reliquos bello ſollicitare Deos?  
Ecce rebellantum robur, furizq; potentes,  
Ecce cæterva gravis, noxia viſq; ſibi.  
Meſuras flexo Briareu iugera collo,  
Corpore ſic tumidos tanta ruina ferit.  
His inclareſcunt cœleſtia bella triumphis,  
His DEUS infernas cladibus auget aquas.  
Viribus abiectis ſupremas movimus iras,  
Ecce coruſcanti fulmina nube ruunt.  
Emicat ignis edax, focus ardens, ira Tonatis,  
Quod ſcelus infauſtos ſuſcitat igne rogos.  
Quæ vires bellare Deum? quid pulvis in O-  
thryn!

Quid

Quid conus Cedris, inq; Elephanta culex.  
Non est vis cœlo, quamvis sit causa furoris,  
Principium tanti materiesq; mali.

Sic placuit bellis armisq; laceßere Numen,  
Cœlicus en! coram nuntius ista refert.

Ecce brevi vastos implebis funere Campos,  
Gens invisa Deo, gens inimica polo.

Et tandem valido perfringens ostia pulsu,  
Prælia pro læso Numine, dura gerit.

Trux hospes domibus, versans à cardine pos-  
tes,

Excutiensq; nefas, crimina nostra, lares,  
Heu? rabida circum Furia Parcaq; vagantur,  
Angelus ut mandat, terna ministra facit.

Vox sonat è cœlo, vox nostris horrida terris,  
Accelera cineres, funera, damna, neces.

O! dirum fulmen? vox! o! crudelia iusta,

O! deplorandi qui his meruere quati  
Estne tamen quisquam, qui talia fulmina sistat.

Ne perimant omnes verbera sparsa reos.  
Est, est; atq; tenet sacras cum fulmine Palmas,

Est Patrona suis diva Maria reis.

Pone metus orbis? furor hic non fulgura vi-  
brat,

Æstus obtentu temperat umbra suo.

Es Cedrus Libani, parvæ Tibi cura Myrica

Convenit, ardentes supprime Virgo globos.

Tu Regina poli, Tibi servit curia Divum,

Penni-

Pennigeri Juvenes, grandia iussa petunt.  
Dia velis tandem Genios compescere servos;  
Ne tantis rixis climata nostra premant  
Ars Tibi non vilis magnum lenire Tonantem  
Supplice Te fiat, mollior ira Dei.  
Tunc Tibi devotis vates affectibus ustus,  
Perpetuum ad plantas cor sua metra, canet;

## CATEGORIA VII.

### *Votorum quies & Corona.*

Si durata forent solidò præcordia ferrò  
Aut esset venis ex adamante rigor  
Non tantæ vires, nervi, roburq; ferendi,  
Mole suâ ut nobis incubuere mala.  
Hoc tamen heu! magno nec quidquam ponere  
dere fortis,

Eximimur, nec atrox Parca remittit opus.  
Ipse ego multiplicis, sum pallida víctima Fati.  
Sed quando? finis, nescius ipse mei  
Ordine quo tactus? communi lege modoq;  
Sub marmor cineres ossa tegenda dabo?  
Alterius stupui lapsum gemitusq; frequentes.  
Nunc is qui gemuit Fata, gemendus erit.  
Vel



Vel cras cum lachrymis lucem sperare supremam,

Cogimur aut hodie reddere busta solo.  
Sponte super tumbas ludentibus alea Parcis,  
Vertitur, & cui quam morte sequente cadit  
Hinc quocunq; fluit non faustum tempore punctum,

Corporis hæc mæsto sarcina danda loco.  
Horremus patres exanguia membra, vicissim  
Mox quoq; sollicitus nos pavor ille rapit.  
Turpe cadaver erant visi spectantibus olim,  
Mox aspectantes nausea turpis erunt.  
Multi nec sacro tumuli donantur honore,  
Exosis spatiis funera visa jacent.

Vt vivos enecat, sic arcet Numen ab Aris,  
Offensum, exangues, terra sepulchra negat.  
Quo cecidere loco neglecta cadavera putri  
Tabes, velut gelido vere ligustra cadunt.  
In mediis vitam votis, hic fudit in auras,  
Huius spirantis vitaq; spesq; crepat.

Hic moriturus erat, vivit, statuente Tonante,  
Et fragilem vitam speq; metuq; tenet.  
Alter agens animam longum velut iret in ævū,  
Percipit ut Lachesis stamen acerba scidit.  
Nunc dubio infelix vegetatur vita calore,  
Mox Letho frigent mortua membra suo.

Sic languent tenues nobiscum spesq; metusq;  
Flebilis hora fugit, Mors inopina venit.

Ubere

Ubere singultu elapsam ploravimus horam  
Ambigui sortis, quam feret hora sequens.  
Diva potens, reteras, quæ nostris ostia votis,  
Te bona sperare, & Te meliora licet.  
**A** Te nunc votum ceu sacra pendet ab Arâ,  
Hybleis ceris ut tua pendet apīs.  
**Anxia** Maternis en! spes requiescit in ulnis,  
Sentio quam tuto vota recepta sinu.  
**A** cœlis vacuas non fas abscedere voces,  
Non sic sunt divi, ut garrula petra sonat.  
**Illā** quatit refugis fluidam clangoribus auram,  
Et sermo rursus prætereundo redit.  
**Te** Mater, postquam miserorum voce vocaris,  
Abbita nulla poli, sidera nulla tenent.  
**Perrumpis** cœlum, transcendis sidera passu.  
Nunc etiam cedent astra beata viam.  
**Tu** super Empyreum surgentia vota coronas,  
Nostris nunc votis SUMMA CORONA veni.



*puer virtutem ex  
laboreno fortuna  
a lip*



950332 **Bibliotheca** 500,-  
**P.P. Camaldulensium in Bielany**

Depozyt w Bibliotece Jagiellońskiej



03901

*α.V.55*

Ubere singultu elapsam plorav  
Ambigui sortis, quam feret  
Diva potens, reteras, quæ nost  
Te bona sperare, & Te meli  
A Te nunc votum ceu sacra pe  
Hybleis ceris ut tua pender  
Anxia Maternis en! spes requie  
Sentio quam tuto vota rece  
A coelis vacuas non fas absce  
Non sic sunt divi, ut garrula  
Illa quatit refugis fluidam clan  
Et sermo rursus prætereund  
Te Mater, postquam miserorum  
Abbita nulla poli, sidera nul  
Perrumpis cœlum, transcendis  
Nunc etiam cedent astra bea  
Tu super Empyreum surgentia  
Nostris nunc votis SUMMA C





per virtutem ex  
laboreis fortune  
a lip



950332 Bibliotheca 500,-  
P.P. Camaldulensium in Bielany

Depozyt w Bibliotece Jagiellońskiej



03901

α. V. 55

